

新編竹葉集

三

再重訂傷寒集註卷之六

進賢舒詔馳遠著

陽明下篇

外邪已趨少陽未離陽明謂之少陽陽明列于此篇計三法

喻嘉言曰凡陽明腑証下之則愈其有下証不具者病仍在經在經之邪不詳必隨經而傳少陽而口苦咽乾胸脇滿痛之証必兼見一二故謂之少陽陽明

按傷寒之邪在經則遇傳入腑則不傳遇傳者變態莫測方無定體人腑者惟有一法耳其來路由太陽而太陽尚未盡罷則爲太陽陽明若夫正陽陽明則太陽罷盡且不由經而入腑也去路趨少陽故有少陽陽明少陽陽明者邪趨少陽而陽明尚有未盡也且有其邪已盡傳少陽復返陽明

亦不由經而入腑者又爲轉繫陽明也至三陰皆有轉繫之法附少陽陽明之後其轉繫之理陽明中篇詔言之已悉茲不復贅至論入腑則不傳者以胃主內而不出故也經曰陽明居中土也萬物所歸無所復傳所以惟有下奪一法奪其土而邪自不留耳否則邪在腑中漫無出路殆耗盡津液而宛矣若其人津液足以供邪雖流連久而亦不死且腑中之邪久而久之仍從外轉或返來路而還太陽或趨去路而往少陽此又不傳中復有傳之妙理也然其權實賴中土爲之總司嘉言有曰卽如天以四時成歲中上各王于季月之末然後木沍其振火收其燭金鎔其肅水藏其瀾使非傳之中上則木火金水不能相貫何以化机盈昨不息乎人之飲

食入胃清氣升而濁氣降滲滓不留者其妙惟在于傳設一
日不傳則積滯而不化矣至于仙家攢簇五行東三南二水
火相戀歸于中土西四北一金水相親歸于中土其妙更在
于不傳設傳則流散而不造矣然則中土之傳與不傳足盡
天人之蘊又何疑于醫事哉

陽明病發潮熱大便溏小便自可胸脇滿不去者小柴胡湯
主之原文

按陽明病大便溏者胃中虛寒也潮熱者虛陽浮越于外非
胃實也兼見胸脇滿者是胃中留飲旁流人脇也雖屬少陽
陽明不宜解表當用人參白朮炮姜半夏砂仁草果理中逐
飲而病自愈小柴胡湯不合也

陽明病而脇下鞭滿不大便而嘔舌上白胎者則可與小柴胡湯主之上焦得通津液得下胃氣因和身濺然汗出而解也

喻嘉言曰上焦得通津液得下關係病机最切夫人得以長享者惟賴後天水穀之氣生此津液津液結則病津液竭則死矣故治病而不知救人之津液者真庸工也

按陽明病不大便其胃實矣兼見脇下鞭滿舌上白胎而嘔者此蓋胃中留飲爲旁流入脇則脇下鞭滿其飲邪上逆而爲嘔鬱蒸而結胎者法當用人參白朮砂仁半夏補中滌飲草果以破脇下懸飲合小承氣微蕩其實乃合法小柴胡湯不中也

三陽陽明者脾約是也正陽陽明者胃家實是也少陽陽明者
利小便已胃中燥煩實大便難是也原文

按此三証皆由胃家素實可下之証也嘗思嘉言分篇之際
將欲列此條于上篇而上篇皆在經之抑為不可下之証于
例不合也將欲置之中篇而中篇皆正陽陽明此則兼言太
少于例更不合也再三躊躇竟難下手安知少陽陽明之後
轉繫陽明之前中間恰是位置此條之所耶可見嘉言苦心
萬不可及耳

附少陽轉陽明二証

四少陽陽明者發汗利小便已胃中燥煩實大便難是也原文

按此條似乎重也然不敢擅刪姑存之

服柴胡湯已渴者屬陽明也以法治之原文

按少陽本有渴服柴胡湯則病愈而渴未有不止者今不但止而反有加何謂也乃邪熱轉歸陽明而成胃實之証也以法治之自是斟酌于謂胃自虛之問耳

附太陰轉陽明一証

六傷寒脈浮而緩手足自溫是為繫在太陰太陰者則身當發黃若小便自利者而不能發黃至七八日大便秘者為陽明病也原文

按脾脈主緩証本發黃若小便利則濕行而黃可免若大便秘則胃有宿燥因復轉陽明

附少陰轉陽明二証

少陰病六七日腹脹不大便者急下之宜大承氣湯原文

按少陰証本氣虛寒者多自利此言六七日不大便是必熱邪內協真陽矣加以腹脹邪轉陽明此少陰負而跌陽勝腎水勢在立盡所以宜急下以救之

八下利譫語者有燥矢也宜小承氣湯原文

按此証為熱結旁流法宜小承氣合附子湯單小承氣非也然下利譫語者亦有陰陽虛實之辨但見頭眩目暈身重惡寒而無煩渴熱等症兼見乃屬虛寒絕陰之証不可妄用大黃必有陽明實熱微驗方是熱結旁流但只譫語不足為據言醫一人不發譫語外見頭眩嗜臥身重惡寒便泄不

治夜間發熱漸加大熱不惡寒轉惡熱欲去衣被揚手擲足
身漸出汗漸至大汗其熱方解明日亦復如是醫經半月無
効予細察之果何証也將謂陰盛格陽于外耶亡陽之熱無
此大熱將謂三陽之表熱耶並無頭項腰背疼痛又無前額
眼眶脹痛及耳聾口苦等証且未見煩渴飲冷白虎非所宜
也以此論定爲熱結旁流矣仍不煩渴者乃爲結燥隱隱腸
間不在胃腑故不能耗其在上之津液也吾用芪朮姜附半
夏故紙重加大黃一劑而下燥矢二三枚是夜不發熱矣予
是方中除去大黃又數劑而愈

世重訂傷寒集註卷之七

文勝堂梓行

進賢舒詔馳遠著

少陽紅証治大意

程郊倩曰少陽在六經之中與開閤之相機

太陽爲開陽羽
少陽爲閤

出則陽入則陰職守最重非若他經之于表裏截然不相管
攝也半表者指在經之風寒而言所云徃來寒熱胸脇苦滿
等是也半裏者指在腑之裏熱而言所云口苦咽乾目眩是
也表爲寒裏爲熱互拒所以有和解一法以柴胡解少陽在
經之表寒黃芩和少陽在腑之裏熱猶恐陽神退而裏氣虛
陰邪乘虛而起故用姜棗人參以壯其裏氣而禦其表三陽
爲盡三陰不受邪方成妙算若腑熱未具悞投黃芩伐其裏

氣是爲開門挹盜矣蓋裏氣虛萬不能禦表也識透此訣方可讀仲景少陽篇之論與夫條中之所示之所禁之所加減而爲從表從裏反一切斟酌之法不然汗吐下之禁未犯而先犯本方之黃芩則陽去人陰此時卽能救悞所失良多矣故所貴圖幾于早也予目擊世人以小柴胡殺人不少非其認証不真蓋亦得半而止耳

又曰少陽腑証未具而犯及小柴胡防其寒中三陰諸死証此其嚆矢矣蓋胃陽不衰三陰無受邪之理苟無故而刻及其陽恐上熱未除中寒立起外邪直搗三陰而莫抵矣世人皆曰傳經無寒噫卽令傳經無寒而悞服黃芩則寒卽中於法中矣可不慎哉

少陽篇

計二十一條

一傷寒五六日中風往來寒熱胸脇苦滿默默不欲飲食心煩喜嘔或胸中煩而不嘔或渴或腹中痛或脇下痞鞅或心下悸小便不利或不渴身有微熱或咳者小柴胡湯主之原文

喻嘉言曰軀殼之表陽也軀殼之裏陰也少陽居表裏之界其邪入而與陰併則寒出而與陽併則熱往來寒熱無常期也風寒之邪挾身中之痰飲結聚于心陽之本位所以胸脇苦滿也胸脇既滿胃中水穀亦不消所以默默不欲食也心煩者邪在胸脇逼處心間也或嘔或渴或不嘔不渴諸多見証各隨人之體氣不盡同也總以小柴胡之和解主治各隨見証以加減之

二少陽之爲病口苦咽乾目眩也原文

喻嘉言曰口苦咽乾者熱聚于胆也目眩者木盛生風而旋暈也

程郊倩曰少陽與厥陰臟腑雖異病机頗同厥陰有陰陽勝復萬不可使陽退陰進少陽有寒熱往來萬不可使陽去入陰是黃芩不可不慎也

詔曰口苦咽乾目眩少陽之腑証也腑証未具不可用黃芩程論詳且盡矣喻氏編次六經之例皆冠經証于篇首程氏特冠少陽腑証爲第一詔初則從之今覺有誤當復易轉仍歸第二庶無負于先生也

再按喻氏謂目眩者木盛生風而旋暈也愚謂有錯當是目

腎益以少陽厥陰臟腑相連熱乘肝胆而目昏蒙也

曾醫一婦人寒熱間作口苦咽乾頭痛不欲食眼中時見紅影動其家以爲雷號予曰非也此少陽腑邪溢于肝經目爲肝竅熱乘肝胆而目昏花也用小柴胡和鮮少陽加當歸香附宣通而分羚羊角瀉肝熱而廓清目中不數劑而愈矣又醫一小兒寒熱往來每于夢中驚叫而醒爬上人身且哭且怕此爲胆虛熱乘用小柴胡去黃芩末見口苦咽乾加茯神遠志寧心安神竹茹開鬱琥珀安魂定驚一劑而愈

小柴胡湯

柴胡半斤 半夏半斤 黃芩三兩

人參三兩 甘草三兩 生姜三兩

大棗十二枚

以水一斗二升者取六升去滓再煮取三升溫服一升一日三服

若胸中煩而不嘔去半夏人參加枳實一枚若渴者去半

夏加人參合前成四兩枳實根四兩若腹中痛去黃芩加芍

藥三兩舊註云木氣散人土中芍藥能于土中散木鬱甚若

脇下痞鞭去大棗加牡蠣四兩若心下悸小便不利者黃芩

加茯苓四兩若不渴外有微熱者去人參加桂枝三兩陽表

証加桂枝何為若咳者去人參大棗生姜加五味子半升乾

姜二兩咳為痰飲上逆五味子酸寒生陰最

程郊倩曰柴胡解少陽在經之表黃芩和少陽在脈之裏半

夏散逆豁濁氣以還清參甘輔正氣而和中姜棗助少陽生

榮之氣使邪無內向也

傷寒脈弦細頭痛發熱者屬少陽少陽不可發汗發汗則譫

譫語此屬胃胃和則愈胃不和則煩而悸原文

按此條于法不今益以候發少陽汗胃液被奪而譫語耳耳
調胃承氣以和胃故曰胃和則愈設胃不和勢必譫語加甚
豈但煩而悸而已哉且譫語得之胃中乾燥悸由胃中多水
彼此不合理非法也

少陽中風兩耳無所聞目赤胸中滿而燥煩者不可吐下吐

下則悸而驚原文

喻嘉言曰風熱上壅則耳聾目赤風熱與痰飲搏結則胸中

滿而煩宜用小柴胡加白朮宜賜胸中枯槁實以除其煩若

悞吐下則胸正氣大傷而邪得以逼亂神明故悸而驚也

按少陽原有經証腑証表裏各有一定之法毫不庸混豈但

汗吐下三禁而已哉而經證回陽養陰清燥及利小便諸法

何得不禁抑何所見之不庸也

五傷寒三日三陽爲盡三陰當受邪其人反能食不嘔此爲三

陰不受邪也 原文

按胃爲一身之主統胃強能食百病易愈所以三陰不受邪

也

六傷寒三日少陽脈小者欲已也 原文

七少陽病欲解時從寅至辰上 原文

八傷寒六七日無大熱者其人煩煩者此陽去入陰故也 原文